

Stáhtaráđi kansliija diehtujuohkinossodat
Dieđahus 559/2018
26.11.2018

Sámiid áššiid guoski soabadanproseassa

Gullanraporta lea almmustahttojuvvon

Suoma ráđđehus lea álggahan golggotmánus 2017 sámiid áššiid guoski soabadanproseassa válmastalláma. Evttohus proseassa álggaheapmái (duohtavuolta- ja soabadankomišuvnna ásaheapmái) lea boahtán sámedikkis. Válmastalláma oassin ortnejuvvui viiddis gullan miehta Sámi ja Suoma stuorimus gávpgiini 2.5.2018 – 29.6.2018. Ságastandilálasvuodain bođii ovdan, ahte eamiálbmot sámit atnet duohtavuolta- ja soabadanproseassa buorre jurdagin, muhto sis lea nana eahpeluohttámuš dasa, ahte Suoma stáhta livčče čielggadeamin sámiide guoski vearredaguit buhtis váimmuin.

Gullamiid dárkuhussán lei čielggadit maid sámit obbalohkái jurddašit soabadanproseassa birra. Dilálašvuodain ságastalojuvvui maid earenoamážit das, makkár áššiid vejolaš komišuvdna galggalii dutkat ja makkár komisáraide - komišuvnna njunušolbmuide - álgoálbmot sámiin livčče luohttámuš.

Gullandilálašvuodát ledje akta oassi soabadanproseassa válmastallama. Dilálašvuodain čohkejuvvon gullanraportas áššit ovdanbuktojuvvojit dego dat mitaluvvojedje dilálašvuodain, eaige áššit leat dulkojuvvon dahje dárkistuvvon. Raporta lea almmustahttojuvvon viđa gillii (davvi, -anaraš,- nuortalašsámigiella, suopma ja ruoŋa). Engelasgielat raporta almmustahttojuvvo juovlamánus 2018.

Stáhtaráđi kansliija ja vuoigatvuohtaministeriija ovttasbarggus Suoma sámedikkiin leat guorahallamin govt komišuvnna ásaheapmi ja ieš sámiid duohtavuolta- ja soabadankomišuvdna (DSK) Suomas galggalii leat sihke makkár ieš proseassas ovddasvástideaddji iešheanalas komišuvnna bargu galggalii leat ja govt komissárait galga válljet.

Soabadanproseassa, man Suomas dal válmastallet, vuodđuda riikaidgaskasaš duohtavuolta- ja soabadankomišuvdnainstitušuvdnii, mii lea riegádan 1970-logus. Riikaidgaskasaččat duohtavuolta- ja soabadankomišuvnnain (truth commission) dahje duohtavuolta- ja soabadankomišuvnnain (truth and reconciliation commission) gohččodit proseassait, main čielggadit vássán áiggis stuorit olmmošjoavkui dáhpuhuvvan vearrivuodaid, dárkuhussan deid čielggadeamiin (duohtavuolta) eastit sullasaš vearredaguit dáhpuhuvvamis šát boahteaáiggis (soabadan).

[Sámiid áššiid guoski soabadanproseassa- gullanraporta](#)

[Lassedieđut sámiid duohtavuolta- ja soabanproseassa válmastallamis:](#)

Lassedieđut: Ánneristen Juuso, spesiáláššedovdi, Stáhtaráđi kansliija